

წინამდებარე ხელშეკრულება დაიდო 4 ივნისი 2018 წ.

დ.სურამი

ერთის მხრივ შპს „აღმოსავლეთ საქართველოს ფსიქიკური ჯანმრთელობის ცენტრი“ (შემდგომში „შემსყიდველი“) წარმოდგენილი მისი დირექტორის სპარტაკ ბუკიას სახით და მეორეს მხრივ, შპს „ქეი სი“ (შემდგომში „მიმწოდებელი“) წარმოდგენილი მისი დირექტორის ირმა ხართიკაშვილის სახით, საკვების მიწოდების მომსახურების CPV55521200 შესყიდვის მიზნით შემსყიდველის მიერ გამოცხადებული ელექტრონული ტენდერის NAT180007530 და მიმწოდებლის მიერ წარმოდგენილი სატენდერო წინადადების საფუძველზე შეთანხმდენ შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის შემსყიდველს საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

2.1. ხელშეკრულების საგანია „შემსყიდველის“ მიერ „მიმწოდებლისაგან“ სურამის ობიექტის პაციენტებისთვის სასადილოებისა და საზოგადოებრივი კვების საწარმოების, საკვების მიწოდების მომსახურებების (CPV კოდი 55521200) (შემდგომში „შესყიდვის ობიექტი“) შესყიდვა, ელექტრონული ტენდერის საშუალებით, წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს **141`136.00** (ასორმოცდაერთიათას ასოცდათექვსმეტი) ლარს.
- 3.2. პრეისკურანტის ღირებულებაა **37.45** (ოცდაჩვიდმეტი ლარი და 45 თეთრი). ერთეულის ღირებულებები განისაზღვრება პრეისკურანტში შემავალი ერთეულის ღირებულებების შესაბამისად.
- 3.3. საქონლის დასახელება და ერთეულის ღირებულებები განისაზღვრება პრეისკურანტში შემავალი ერთეულის ღირებულებების შესაბამისად, რომელიც თან ახლავს ხელშეკრულებას და მის განუყოფელ ნაწილიწარმოადგენს (იხ.დანართი).
- 3.4. მომსახურების მიწოდების პირობები განისაზღვრება დანართი 2 -ის სახით, რომელიც წარმოადგენს ხელშეკრულების განუყოფელ ნაწილს.
- 3.5. ხელშეკრულების დადების შემდეგ, პრეისკურანტში მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს

4. შესყიდვის ობიექტის ხარისხი და სტანდარტები

- 4.1. შემოთავაზებული საკვები უნდა იყოს ახალი, საჭმელად ვარგისი და არ უნდა იყოს ჯანმრთელობისთვის საშიში, ერთი პაციენტის ზღიური ნორმა შეადგენს 3000 მდე კალორიას. უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.
- 4.2. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.
- 4.3. შესყიდვის ობიექტის უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.
- 4.4. მიმწოდებელი ვალდებულია საკვების მომზადებისა და მოწოდებისას იხელმძღვანელოს საქართველოს

შრომის, ჯანმრთელობისა და სოციალური დაცვის მინისტრის 2000 წლის 5 დეკემბრის N 237/ნ ბრძანებით.

5. ხელშეკრულების შესრულების კონტროლი

5.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

5.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.3. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი.

5.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა.

5.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შპს „აღმოსავლეთ საქართველოს ფსიქიკური ჯანმრთელობის ცენტრის“

დიეტ ექთანი მარინა ხეროდინოვი.

5.6. ინსპექტირების პირს საქონლის რაოდენობის, ხარისხისა და ვადების წინადადებზე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელებისას უხარისხო საქონლის გამოვლენის შემთხვევაში უფლება აქვს უარი თქვას მის მიღებაზე.

6. მომსახურების გაწევის პირობები

6.1. მზა საკვების მიწოდება უნდა განხორციელდეს ყოველდღიურად ოთხჯერადი კვება ორჯერადი მოტანით (09:00 სთ და 14:00 სთ). განსაკუთრებულ შემთხვევებში (მხარეთა შეთანხმებით) სამჯერადი შემოტანით, პრეისკურანტში მოცემული ჩამონათვალისგან შედგენილი მენიუს კომბინაციების შესაბამისად, რომელიც წინასწარ განისაზღვრება შემსყიდველის მიერ ხელშეკრულების გაფორმების შემდეგ, შემსყიდველის მოთხოვნიდან 2018 წლის 31 დეკემბრის ჩათვლით.

6.2. მენიუს შედგენა ხდება სეზონურად, ზამთრის და ზაფხულის. ერთჯერზე დგება და მტკიცდება ერთი კვირის მენიუ. (ცალკეულ შემთხვევებში შესაძლებელია მოხდეს ორკვირიანი ან ერთთვიანი მენიუს შედგენაც).

6.3. საკვები პროდუქტების მიწოდება უნდა განხორციელოს ტრანსპორტირებისათვის განკუთვნილი შესაბამისი ჭურჭელით, ისე რომ სრულად იქნას შენარჩუნებული საკვების კვებითი ღირებულება და კვებითი ტემპერატურა. გამოყენებული ჭურჭელი, დაფასოების სახე და სხვა დეტალები, ასევე მიწოდების კონკრეტული დრო დაზუსტდება ხელშეკრულების დადების მომენტისთვის..

6.4. მიწოდებული პროდუქტების ყოველი პარტიიდან, შემსყიდველის მიერ გარკვეული ნაწილის დაწუნების (უხარისხობის გამო) შემთხვევაში, მიმწოდებელი ვალდებულია არაუგვიანეს მომდევნო მიწოდების დროისა, ჩაანაცვლოს იგი სატენდერო დოკუმენტაციით განსაზღვრული საქონლის ხარისხობრივი მახასიათებლების შესაბამისი საქონლის სრული მოცულობით, წინააღმდეგ შემთხვევაში აღნიშნული მიწოდება ჩაითვლება არასრულყოფილ მიწოდებად და მიმწოდებელს დაეკისრება პირგასამტეხლო.

6.5. მომსახურების მიწოდება უნდა განხორციელდეს მიმწოდებლის მიერ საკუთარი ტრანსპორტით და ინვენტარით მისამართზე: **ხაშურის მუნიციპალიტეტი, დ.სურამი, რუსიას ქ. #12**

6.6. მომსახურების მიწოდებისას მიმწოდებელი ვალდებულია წარმოადგინოს შესაბამისი დოკუმენტაცია.

7. შესყიდვის ობიექტის მიღება-ჩაბარების წესი

7.1. მიღება-ჩაბარების თითოეული ეტაპის წინ განხორციელდება მიწოდებული საკვების საბოლოო შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი.

7.2. მიღება-ჩაბარების აქტებს შემსყიდველის მხრიდან ხელს აწერს ცენტრის დიეტ ექთანი მარინა ხეროდინოვი, ხოლო მიმწოდებლის მხრიდან მის მიერ უფლებამოსილი პირი.

7.3. შესყიდვის ობიექტის მიღება-ჩაბარებისათვის მიმწოდებელმა უნდა წარმოადგინოს შესაბამისი დოკუმენტი დასახელების, რაოდენობის, ერთეულის ფასის და საერთო ღირებულების მითითებით.

7.4. მიმწოდებელმა უნდა უზრუნველყოს შემსყიდველისათვის 7.4. პუნქტში მითითებული დოკუმენტაციის წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

7.5. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.

7.6. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „შესყიდვის ობიექტის“ უხარისხობა, იგი წერილობით აცნობებს „მიმწოდებელს“ და მოითხოვს სათანადო კომპენსაციას.

8. ანგარიშსწორების წესი

- 8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.
- 8.2. ანგარიშსწორების მოხდება თვეში ერთხელ, თვის განმავლობაში ფაქტიურად გაწეული მომსახურების (პრეისკურანტის შესაბამისად მიწოდებული საკვების) ღირებულების თანხაზე, მხარეთა შორის მიღება-ჩაბარების აქტის გაფორმების და შესაბამისი დამადასტურებელი დოკუმენტების (საგადასახადო ანგარიშ-ფაქტურა, სასაქონლო ზედნაღები და ა.შ.) წარმოდგენის შემდეგ 30 (ოცდაათი) კალენდარული დღის ვადაში.
- 8.3. იმ შემთხვევაში, თუ წლის განმავლობაში ფაქტიურად გაწეული მომსახურების ღირებულება ნაკლებია სახელშეკრულებო ღირებულებაზე, მიმწოდებელი კარგავს აუთვისებელი თანხის მოთხოვნის უფლებას.
- 8.4. საავანსო ანგარიშსწორება არ გამოიყენება.

9. ფასი

- 9.1. მიმწოდებლის მიერ დაფიქსირებული საქონლის ფასი წარმოადგენს ხელშეკრულების ღირებულებით პარამეტრებს.
- 9.2. ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
- 9.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 9.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10. ხელშეკრულებაში ცვლილებების შეტანა

- 10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 10.2. თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 10.4. ხელშეკრულების პირობების ნებისმიერი ცვლილება უნა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. პირგასამტეხლო

- 11.1. ხელშეკრულებით ნაკისრი ვალდებულებების მთლიანად ან ნაწილობრივ შეუსრულებლობისათვის მიმწოდებელს შეიძლება დაეკისროს პირგასამტეხლო ხელშეკრულების საერთო ღირებულების ან შეუსრულებელი ნაწილის 10%-ის ოდენობით იმისდა მიხედვით მთლიანად არის ვალდებულია შეუსრულებელი თუ ნაწილობრივ;
- 11.2. იმ შემთხვევაში, თუკი ადგილი აქვს ვალდებულების ნაწილის შეუსრულებლობას, ან ტექნიკურ მახასიათებლებთან შესყიდვის ობიექტის შეუსაბამობას, აგრეთვე თუ მომდევნო ვალდებულების შესრულების დღემდე ვალდებულება კვლავ შეუსრულებელია, მაშინ ამ დღიდან მიმწოდებელს შეიძლება დაეკისროს პირგასამტეხლო 50 ლარი ყოველი ვალდებულების არასრულად შესრულებაზე და აგრეთვე ვალდებულების შეუსრულებელი ნაწილის 0,02%-ის ოდენობით ყოველ ვადაგადაცდილებულ დღეზე.
- 11.3. მიმწოდებელი ვალდებულია გადაიხადოს დაკისრებული ჯარიმა შემსყიდველის წერილობითი შეტყობინებიდან 10 დღის ვადაში, წინააღმდეგ შემთხვევაში (ან მიმწოდებლის თანხმობით) შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.
- 11.4. საერთო ჯამში პირგასამტეხლოები არ უნდა აღემატებოდეს ხელშეკრულების ღირებულების 20%. ამ ნიშნულის მიღწევის შემთხვევაში ორივე მხარეს უფლება აქვს ცალმხრივად შეწყვიტოს ხელშეკრულება.
- 11.5. იმ შემთხვევაში თუ მიმწოდებლის მიერ გაწეული მომსახურების/აღებული ვალდებულებების არაჯეროვანი შესრულების გამო, შემსყიდველის მიერ მოხდა ხელშეკრულების ცალმხრივად შეწყვეტა, მიმწოდებელი ჯარიმდება ხელშეკრულების ღირებულების 10%-ით.
- 11.6. იმ შემთხვევაში თუ 11.2. პუნქტში მოყვანილი გარემოებები განმეორდება (ვალდებულების არაჯეროვნად შესრულება) და პირგასამტეხლოს ჯამური თანხა გადაჭარბებს ხელშეკრულების ღირებულების 2%-ს შემსყიდველს უფლება აქვს (და არა ვალდებულია) ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

11.7. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.8. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

11.9. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ გადაგადაცილებულ სამუშაო დღეზე გადაუხდელი თანხის 0,02%-ის ოდენობით.

12. მხარეთა უფლება-მოვალეობები

12.1. „შემსყიდველი“ ვალდებულია:

12.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

12.2. „მიმწოდებელი“ ვალდებულია:

12.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

12.2.2. დროულად შეასრულოს ხელშეკრულებით ნაკისრი ყველა ვალდებულება.

12.3. „შემსყიდველი“ უფლებამოსილია:

12.3.1. ნმოითხოვოს „მიმწოდებლისაგან“ ხელშეკრულების ყველა პუნქტის შესრულება.

12.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

12.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

12.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;

12.4. „მიმწოდებელი“ უფლებამოსილია:

12.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

12.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

12.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

12.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დადგენილ გამო.

13. მხარეთა პასუხისმგებლობა ხელშეკრულების პირობების დარღვევისათვის

13.1. მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

13.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

13.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.

13.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

13.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

13.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

13.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში.

13.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

13.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

13.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

13.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

13.7.3. „მიწოდების“ გაკოტრების შემთხვევაში;

13.7.4. საქართველოს კანონმდებლობით გათვალისწინებულ სხვა შემთხვევებში.

13.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

14. ფორს-მაჟორი

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გათვალისწინებული ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14.4. ფორს-მაჟორული გარემოებების 30 დღით გაგრძელების შემთხვევაში მხარეებს უფლება აქვთ შეწყვიტონ ხელშეკრულება.

15. ხელშეკრულების ენა

ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე, ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

16. სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

17. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

18. შეტყობინების განხორციელება

18.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის ანელექტრონული ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

18.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღიდან რომელი უფრო გვიან დადგება.

19. გადასახადები და დაბეგვრა

19.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

19.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

20. ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2019 წლის 31 იანვრის ჩათვლით.

21. დამატებითი პირობები

21.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.2. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

21.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

შემსყიდველი:

შპს „ადმოსავლეთ საქართველოს
ფსიქიკური ჯანმრთელობის ცენტრი“

იურ. მის.: წალკის რაიონი, ბედიანი

ს/კოდი: 243123455

ტელ.: +995 599136864;

ელ.ფოსტა ps.hosp@gmail.com

ბანკი: ს.ს. „საქართველოს ბანკი“;

ბანკის კოდი: BAGAGE22;

ა/ა GE02BG0000000267299600;

მიმწოდებელი:

შპს „ქეი სი“

ქ. თბილისი ა.პოლიტოვსკაია 9 ა

ს/კ 405038409

ტელ 995599488686

ელ.ფოსტა i.khartikashvili@gmail.com

ბანკი სს თიბისი ბანკი

ბანკის კოდი TBCGE 22

ა/ა GE86TB7951936820100004

დირექტორი

ს. ზუკია

ირმა ხართიკაშვილი



მომსახურების გაწევის აღწერილობა (დანართი 2)

ა) მზა საკვების მიწოდება უნდა განხორციელდეს ყოველდღიურად, დღეში 2-ჯერ (საუზმე და სადილი), განსაკუთრებულ შემთხვევებში (მხარეთა შეთანხმებით) სამჯერადი შემოტანით, პრეისკურანტში მოცემული ჩამონათვალისგან შედგენილი მენიუს კომბინაციების შესაბამისად, რომელიც წინასწარ განისაზღვრება შემსყიდველთან შეთანხმებით; მენიუს შედგენა ხდება სეზონურად, ზამთრის და ზაფხულის. ერთჯერზე დგება და მტკიცდება ერთი კვირის მენიუ. (მიმწოდებელთან შეთანხმებით, შესაძლებელია მოხდეს ერთთვიანი მენიუს შედგენაც). პაციენტთა რაოდენობა სავარაუდოა (80-100), შესაბამისად შესაძლებელია მოწოდება მოხდეს უფრო ნაკლები რაოდენობის პაციენტებზე, მათი ზუსტი რიცხვი ყოველდღიურად განისაზღვრება შემსყიდველის მიერ და წინასწარ, წინა დამეს ეცნობება მიმწოდელს.

ბ) მომსახურების მიწოდება უნდა განხორციელდეს მიმწოდებლის მიერ საკუთარი ტრანსპორტით და ინვენტარით შემდეგ ფაქტიურ მისამართზე: ხაშურის მუნიციპალიტეტი, დ.სურამი, რუსიას ქ. #12.

გ) მომსახურების მიწოდება უნდა განხორციელდეს საქართველოში მოქმედი სანიტარიულ-ჰიგიენური ნორმების სრული დაცვით;

დ) „მიმწოდებელმა“ საკვები პროდუქტების მოწოდება უნდა განხორციელოს ტრანპორტირებისათვის განკუთვნილი შესაბამისი ჭურჭელით, ისე რომ სრულად იქნას შენარჩუნებულ საკვების კვებითი ღირებულება და ტემპერატურა. გამოყენებული ჭურჭელი, დაფასოების სახე და სხვა დეტალები, ასევე მოწოდების კონკრეტული დრო და კონკრეტული მენიუ განისაზღვრება შემსყიდველის მოთხოვნის შესაბამისად. ამასთან, შემსყიდველის მიერ შესაძლებელია მოხდეს მენიუს დაკონკრეტება როგორც ზეპირსიტყვიერი, ასევე ელექტრონული ფოსტის საშუალებით, მიმწოდებელი ვალდებულია მოახდინოს მენიუს ცვლილება მოთხოვნის შესაბამისად (აღნიშნულთან დაკავშირებით დეტალები დაზუსტდება ხელშეკრულების გაფორმების მომენტისთვის).

ე) მიმწოდებელი ვალდებულია საკვების მომზადებისა და მოწოდებისას იხელმძღვანელოს საქართველოს შრომის, ჯანმრთელობისა და სოციალური დაცვის მინისტრის 2000 წლის 5 დეკემბრის N 237/ნ ბრძანებით, მიწოდებული საკვები უნდა იყოს ახალი, საჭმელად ვარგისი და არ უნდა იყოს ჯანმრთელობისთვის საშიში, ერთი პაციენტის დღიური ნორმა შეადგენს 3000 კალორიას.

ვ) მომსახურება უნდა განხორციელოს შესაბამისი კვალიფიკაციის მქონე პერსონალმა;

ზ) მომსახურების მიმწოდებელ პერსონალს გავლილი უნდა ჰქონდეს სამედიცინო შემოწმება, ამასთანავე, შემსყიდველი უფლებამოსილია ხელშეკრულების მოქმედების ნებისმიერ ეტაპზე მოსთხოვოს მიმწოდებელს ზემოაღნიშნულის დამადასტურებელი დოკუმენტაციის წარმოდგენა.

თ) მიმწოდებელს გაფორმებული უნდა ჰქონდეს ხელშეკრულება სადეზინფექციო სამსახურთან დეზინფექციის, დეზინსექციის და დერატიზაციის ჩატარების შესახებ. მომსახურების პერიოდში ამ სამსახურების მიერ გაცემული დასკვნები ჩატარებული სამუშაოების შესახებ უნდა ინახებოდეს მიმწოდებელთან და წარუდგინოს შემსყიდველს მოთხოვნის შესაბამისად.

ი) შემსყიდველი უფლებამოსილია, ეწვის შემთხვევაში ხელშეკრულების მოქმედების ნებისმიერ დროს მოახდინოს მიმწოდებლის მიერ მოწოდებული საკვები პროდუქტების ხარისხისა და ვარგისიანობის და კვების ობიექტის (სამზარეულოს) ბაქტერიოლოგიური ლაბორატორიული კვლევა როგორც საკუთარი ასევე მიმწოდებლის (კვლევა უნდა ჩატარდეს ლიცენზირებულ ლაბორატორიაში) ხარჯით. თუ ლაბორატორიული კვლევისას დადგინდა მოწოდებული საკვების პროდუქტების კალორაჟის, ხარისხისა და ვარგისიანობის შეუსაბამოა შემსყიდველის მიერ მოთხოვნილსა და არსებულ სტანდარტებთან, მიმწოდებელი ჯარიმდება ხელშეკრულების ღირებულების 1%-ით და იხდის კვლევის ღირებულებას იმ შემთხვევაშიც თუ აღნიშნული ჩატარდა შემსყიდველის მიერ. ხოლო შემსყიდველი იტოვებს უფლებამოსილებას ხელშეკრულების გაუქმებისა და შეწყვეტის შესახებ.

კ) შემსყიდველი უფლებამოსილია ნებისმიერ დროს მოახდინოს მომსახურების გაწევის ადგილის და მომსახურების გაწევის სანიტარულ ჰიგიენური პირობების შემოწმება/ინსპექტირება. მიმწოდებელი

ვალდებულია საკუთარი ხარჯით უზრუნველყოს აღმოჩენილი ხარვეზების გასწორება, ხელახალი შემოწმების დროს უარყოფითი შედეგის (შემსყიდველისთვის მიუღებელი სანიტარულ ჰიგიენური პირობების არსებობის/დარჩენის) შემთხვევაში, შემსყიდველი უფლებამოსილია დააჯარიმოს მიმწოდებელი არაჯეროვანი შესრულებისთვის ხელშეკრულების ღირებულების 1%-ით და/ან ცალმხრივად შეწყვიტოს ხელშეკრულება.

ლ) „ი“ და „კ“ პუნქტის განსაზღვრული მიზეზით ხელშეკრულების შეწყვეტის შემთხვევაში, მიმწოდებელი ვალდებულია გადაიხადოს ჯარიმა არაჯეროვანი შესრულებისთვის ხელშეკრულების ღირებულების 10%-ის ოდენობით და ახალი მიმწოდებლის გამოვლენამდე საკუთარი ხარჯებით უზრუნველყოს პაციენტთა კვება სატენდერო წინადადების მოთხოვნების შესაბამისად.

მ) პრეტენდენტს უნდა ქონდეს სურსათის ეროვნული სააგენტოს მიერ გაცემული შესაბამისობის შეფასების სერტიფიკატი იმ ობიექტზე, სადაც განხორციელდება საკვების მომზადება. იმ შემთხვევაში, თუ ხელშეკრულების მოქმედების პერიოდში მოხდა ობიექტის მისამართის ცვლილება (ან ადგილზე მდებარეობის ცვლილება), მიმწოდებელმა უნდა მოახდინოს განახლებული სერტიფიკატის წარმოდგენა ცვლილებიდან 10 (ათი) დღის ვადაში.

ნ) მიმწოდებელმა ხელშეკრულების დადების მომენტისთვის შემსყიდველს უნდა წარუდგინოს სეზონური ერთ კვირიანი საგარეუდო მენიუ შედგენილი პრეისკურანტის ჩამონათვალის მიხედვით აუცილებელი პირობის „ე“ ქვეპუნქტით განსაზღვრული კალორაჟის დაცვით, რომელიც შეთანხმდება შემსყიდველთან.

ო) მიმწოდებელი ვალდებულია ზუსტად დაიცვას შემსყიდველთან შეთანხმებული მენიუს შემადგენლობა, ულუფაში შენავალი იგრედიენტების რაოდენობა/კომბინაცია და კალორაჟი. ასევე ხელშეკრულების მოქმედების ნებისმიერ ეტაპზე გაითვალისწინოს შემსყიდველის დამატებითი მოთხოვნები და/ან შენიშვნები (როგორც წერილობითი ასევე ზეპირსიტყვიერი), რომელიც დაკავშირებული იქნება მომსახურების გაწევასთან და მომსახურების გაწევის პროცესში ჩართულ პერსონალთან.

შემსყიდველი

ს. ბუკი



დანართი 1 პრეისკურანტის ჩამონათვალი

N	პროდუქტის დასახელება	ზომის ერთეული	ერთი ულუფის რაოდენობა ცალი/გრამი	ულუფაში პროდუქტის რაოდენობა	პრეტენდენტის შემოთავაზება, ლარი
1	პური ხორბლის თეთრი (თეთრი/რუხი)	გრამი	400	400	0.5
2	ჩაი (ერთჯერადი პაკეტებით)	ცალი	1	1	0.11
3	კარაქი	გრამი	20	20	0.22
4	შაქარი	გრამი	15	15	0.06
5	ყველი	გრამი	20	20	0.28
6	ხაჭო	გრამი	50	50	0.46
7	ხილფაფა	გრამი	50	50	0.32
8	არაქანი	გრამი	20	20	0.22
9	მანის-ფაფა რძით	გრამი	220	220	0.67
10	შვრიის-ფაფა რძით	გრამი	220	220	0.67
11	ბრინჯის ფაფა რძით	გრამი	220	220	0.67
12	ფეტვის ფაფა	გრამი	200	200	0.6
13	მოხარშული კარტოფილი კამით	გრამი	200	200	0.63
14	წიწიბურას გარნირი	გრამი	200	200	0.61
15	მაკარონი ფლოტურად	გრამი	220	20/200	0.71
16	მაკარონი-ყველით	გრამი	220	20/200	0.71
17	მაკარონის ან ვერმიშელის გარნირი	გრამი	200	200	0.29
18	ჩაშუშული კომბოსტო	გრამი	200	200	0.45
19	კარტოფილის პიურე	გრამი	200	200	0.6
20	ბორშჩი	გრამი	400	400	0.55
21	ბრინჯის სუფი	გრამი	400	400	0.55
22	ლობიო	გრამი	300	300	1.45
23	მაკარონის სუფი	გრამი	400	400	0.6
24	სუფ-ხარჩო საქონლის ხორცით	გრამი	400	60/340	1.6
25	ჩიხირთმა ქათმის	გრამი	400	80/320	1.2
26	პერლოვის სუფი	გრამი	400	400	0.4
27	ქათმის კატლეტი	გრამი	100	100	0.9
28	გუფთა საქონლის ხორცით	ცალი	2	50/50	1.48
29	ტოლმა საქონლის ხორცით, კომბოსტოთი/ბულგარულით	გრამი	300	300	1.35
30	კატლეტი საქონლის ხორცით	გრამი	100	100	1.32
31	თევზი (ფილე) შემწვარი (მშრალად ან ქინძმარში)	გრამი	100	100	1.45
32	ბოსტნეულის ტოლმა ბულგარული	გრამი	250	250	0.8
33	შილა-ფლავი ხორცით	გრამი	200	40/160	1.15
34	აჯაფსანდალი ბოსტნეულის	გრამი	250	250	0.8
35	ხილის კისელი	გრამი	170	170	0.35

36	ხილის კომპოტი	გრამი	150	20/130	0.3
37	კაკაო რძით	გრამი	150	150	0.4
38	ხილი (სხვადასხვა სახის, შემსყიდველთან შეთანხმებით)	გრამი	150	150	0.6
39	მაწონი	გრამი	150	150	0.5
40	ხაჭაპური იმერული	გრამი	120	120	0.95
41	კარტოფილის ღვეზელი	გრამი	120	120	0.71
42	ნამცხვარი (ვაშლის პეროგი)	გრამი	100	100	0.85
43	ლობიანი	გრამი	120	120	0.63
44	ფუნთუშა	გრამი	100	100	0.6
45	სალათი მაიონეზით	გრამი	200	200	0.7
46	ბრინჯის ფაფა ქიშმიშით ან ხილით	გრამი	220	220	0.56
47	ხაბაზუბა (ვინეგრეტის სალათა)	გრამი	200	200	0.48
48	კომბოსტოს სალათი ზეთით	გრამი	200	200	0.38
49	კომბოსტოს სალათი მაიონეზით	გრამი	200	200	0.48
50	ყვავილოვანი კომბოსტოს სალათი მაიონეზით	გრამი	200	200	0.7
51	კიტრი-პომიდვრის სალათი	გრამი	100	100	0.45
52	სოსისი რძიანი	გრამი	50	50	0.61
53	შემწვარი ქათამის ბარკალი	გრამი	150	150	1.39
54	მოხარშული კვერცხი	ცალი	1	1	0.33
55	ჩურჩხელა (საახალწლოდ)	ცალი	1	1	0.8
56	კანფეტი	გრამი	20	20	0.1
57	ორცხოხილა(ვაფლი)	გრამი	50	50	0.2
					37.45

შემსყიდველი

ს. ბუკია
ს. ბუკია

მიმწოდებელი



ხელწერილი
ინტერესთა კონფლიქტის არარსებობის შესახებ

ქ.თბილისი

„04„ „ივნისი „ 2018 წელი

სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, შპს „აღმოსავლეთ საქართველოს ფსიქიკური ჯანმრთელობის ცენტრის“ სურამის ობიექტის დიეტ ექთანი მარინა ხეროდინოვი ხელმოწერით ადასტურებს, რომ არ იმყოფება ინტერესთა კონფლიქტში საკვების მიწოდების მომსახურების შესყიდვის მრზნით გამოცხადებული ელექტრონული ტენდერის **NAT180007530** ფარგლებში გაფორმებული სახელმწიფო შესყიდვების შესახებ ხელშეკრულების (№1.34 04/06/2018.) მიმწოდებელთან შპს „ქეი სისტან“.

დიეტ ექთანი:

მარინა ხეროდინოვი